


www.BibleForChildren.org

Madiu 26



'Asiyata sikisi
simiyami be
Ataona Sagalina
sida guinuwe, ta Yesu
'itauya Betani, Lasalo
'ina 'asaya, tauna lowa
mwawasega Yesu
'igietoolo limena.




Ta Meli 'ebweu
bunama 'ana
esana nadi, ta 'ana
maisa sinabwana,
'i'ewena ga Yesu
'aena 'ibunamidi.
'Enega muliyega Meli
nina 'ikopu ga 'uya'uyanega
Yesu 'aena 'ilo'i'ilina. Ta
gote 'ena bunama nina maina
sinabwana ga anuwa 'iloemaena.




'Enega Yesu 'ina tonono 'ebweu site tuwelo 'ediyega,
tauna Yudasa Isikaliota, 'itauya totaliya sinabwadi
'ediya ga nuwanuwana be Yesu
'ediya 'ida telesipupuye. Ga
Yudasa 'ina ona sinonona ga
sigwausowala ga 'ena siona
upaupa be 'aene 'ana maisa
si'ebwa'e. 'Enega
Yudasa tuta bobo
'ana 'iyamwena
be 'aene Yesu
'ediya 'ida
telesipupuye
be sigiyai.



"Ga tonono nidi Yesu 'ina ona
nina siematamatanena ga tai
nina 'ina anuwaya Ataona masulina
sigibubuna. 'Etamo si'e'ai ta Yesu
masula 'i'ewena ga manuna 'iona
oboboma ta 'igitomwena ga 'ina
tononoyao 'i'ebwa'edi, 'igwae,
"Gete oogu wa'ewa be wa'a'ani."



Ta oine makeigana wate 'i'ewena
ga manuna 'ilokagutoki Yaubada
'ena ga 'i'ebwa'edi, ta 'igwae,
"Maibo'ami wanunuma. Gete lalagu,
loina auwauna manuna, 'idaudau
tomota yaumi 'imi to'umalinao
'adi 'ebe nuwatau manuna."



'Enega wate Yesu 'igwae, "Saimoni, 'uda enono,
Seitani ni'atu tagwala 'i'ewena be maibo'ami 'ida
toomi, nadigega tuga tobagula 'ina witiyao 'i'aututu
toodi, ta geya'abo 'ebe toona nina 'ena 'uneeneta
'ai'aila, manuna ni'atu manuyo yasida waiwai 'imu
toolopa'ala manuna. Be 'enega 'abo to tuta 'usanaila
'eda bobo'ana 'enaya,
tasimwao wate 'ugie
waiwaiyedi."




'Enega Pita 'iona, 'igwae, "'Inapwana, ni'atu yapasima
manuyo be 'abo deliya sisa'u luguyeyo, 'abo'agu wate
ma'iyayo, ta 'abo wate siloemwawasiyo, 'abo'agu
wate nadigega sida loemwawasigu." Ta Yesu 'ieonena,
"Pita, yaona 'ai'aila 'emuya, batuwa muliyega be
kakaleko 'igwagwane, ta
'oyo 'uda gimi
eyaseyaseyegu
mato."'



'Enega Yesu 'ina
tononoyao ma'ena
sitauya 'ebweu sena 'ana
esana Gedesemani 'ena,
ta 'ieonedi, 'igwae,
"Gete 'ena wamiyami, ta
'abo'agu yaalaga be yasisida
Yaubada 'ena." 'igwaegwae,
"Tamagu ye, guinuwa yauna
sawesawemuya, 'enega
nuwanuwagu be 'elouya keigana
gete 'eguyega 'u'ewayauale,
ta geya'abo 'abo'agu 'igu
nuwena 'enega ta 'oyo esi 'imu
nuwena 'enega 'uda guinuwa."



'Enega Yudasa tolosaiyao ma' enao simai sena nina
'enaya, ma idi wenukwa be mayale be wate ma
idi gwegwe saiyo. Ta tolosaiyao nidi taudi
totaliyao be Palisiyao sietunedima
Yudasa ma'ediya. 'Enega 'ebweuna
'ina tonono nina 'ina sisisaiya
'igilagasina ga totaliya
sinabwana 'ina toguinuwa
tena 'ataina 'i'upwa yaulena.
Ga Yesu 'iona, "Walosa'u!
Geya'abo nadigega!" Ga
muliyega Yesu tai nina
tenana 'igitoona ga
'igie bobo'anena.



'Enega Yesu sigiyaina ga si'au'ewena totaliyao 'idi
'inapwana 'ina anuwaya. Ta Pita 'edasolega
'imuliyedi. Anuwa nina
'ana 'ali solanaya
toguinuwao kaiwe
simu'ena ga maibo'adi
sisiyasiyata. Pita
'i'itedi ga 'ediya
wate 'ilugu.



'Enega 'ebweu
totaliya sinabwana
'ina toguinuwa, tai
nina tenana lowa Pita
'i'upwayaulena 'ina
susuyega, Pita 'ieonena,
'igwae, "'Oyo nai wate Yesu
ma'iyayao bagulaya ya'itemi,
aga?" Ta Pita wate 'ieyaseyase
limana, ga gete 'ena kakaleko
'igwane. 'Enega Pita nuwana
'imwau sinabwana ga 'iapwesa
'atamanaya ga 'idedoi.




'Enega maibo'adi sitoolo ga Yesu
si'au'ewena ga sitauyena toloina
sinabwana 'ana esana Pailato
'enaya, sabi etalaena. 'Enega
Pailato Yesu 'ienaidena,
'igwae, "'Uda simana,
'oyo me Yudia 'idi kini,
aga?" Ga 'ieonena, 'igwae,
"Ni'atu nate 'uona saba."
Ta Pailato nuwanuwana be

Yesu 'i'etoli'ami, 'enega
pwalu wate 'ienaidedi, ta taudi
sa'i sibwau toitoila, sigwae,
"Kelose 'ena tada tutuepa'iye!"




'Enega Pailato 'ediya 'itagwala be
'aene Yesu sida tutu epa'iye kelose
'enaya. 'Enega tolosaiyao nidi Yesu
sigiyaina ga sitauyena. Yesu tauna
'ana kelose 'i'aalina ga ma'ena
sitauya 'ebweu sena 'ena, 'ana esana
'Bulubulu', 'ena Yudia nate Goligota.




Ga gote 'ena situtu
epa'iyena 'ana kelose
'ena. Ta tai 'eluwa wate
situtu epa'iyedi
ga sietoolodi,

'ebweu 'atainega ta
'ebweu gegeuminega, ta
Yesu gamwagamwanidiya.



Ta kaleko nina 'enega Anuwa Tabu sipitaupena,
tuta nina 'ena 'iesabuluwena.'Enega Yesu 'enana
sinabwanega 'ibwau, 'igwae, "Tamagu
ye, yaluyaluwagu nimamuya
yasa'usa'u." 'Ina ona
gete 'i'inanena 'enega
yawasina 'igumwala.



'Enega goma Alimatia 'ana esana
Yosepa 'imai, tauna 'ebweu me
Yudia 'idi toanugana ma 'ana
emisa, ta 'iyamwayamwa
be to tuta Yaubada
bale'uya 'ida
etoloina.

Tauna Yosepa
nina 'imai ga ma
ina 'atepatu 'ilugu
Pailato matanaya ga
Yesu kokowana
'isidena be 'aene 'ida
sa'u'ali'aliye.




Ga Yosepa kaleko wakewakekena
'igimwanena ga 'i'ewenama, ga
ma ina toguinuwao Yesu
kokowana kelose 'enega
si'ewa mwa'utenama,
ga kaleko nina 'enega
siwaduna, ga
muliyega sisa'u
'ali'aliyena.

Ta 'ali'ali nina
sitainaya 'atuwa
duluwa gulewa
solanaya, ta gulewa
sinabwana ta
pulipulina 'enega
'ali'ali 'awana sisa'u
bodena.



Ta Yesu sigiekeloseyena me Yudia 'idi
'asiyata gibubu 'enaya, 'enega
tomwa 'iulisina ga 'idi
'asiyata Sabate 'enaya
totaliya sinabwadi be
Palisiyao mabodadi
sitauya Pailato
'enaya, ta
sigwae, ...



... "'Inapwana, tokabo nina
lowa mayawasina 'imiyami
'ina ona 'anuwa'i'isina
'igwae, "'Asiyata 'etoi
beo mwawasega yada
toolo limana.'



'Enega sitauya ga
'ali'ali 'awana 'ana
'auboda gulewa nina
wate sibwadena, ta
nada to'ita'i'itao
sietoolodi.



Sabate mulinaya ni'atu be tomwa
'iulisi wiki auwauna 'ana 'asiyata
nugana 'ena, Meli Magidala
ma ina waliyesa simai
'ali'aliya sabi ayausa.




Ta mwani'ini'i sinabwana 'idedela,
nate 'Inapwana 'ina anilose
'ebweu galewega 'iebusima
ga gulewa 'ali'ali 'awanega
'ipuli ilena ga 'ena
'imiyatowa. Ta 'ali'ali
'ana to'ita'i'itao
anilose si'itena ga

simatauta
sinabwana,
'enega sitai, ga
sibe'u bale'uya
kokowa 'atuwa.



Ta anilose nina iine nidi 'ieonedi,
'igwae, "Geya'abo wamatamatauta.
Yamwalamwalatoni 'omi
Yesu tauna ni'atu
siloemwawasina
wa'ebe'ebese. Tauna
nigeya bada, manuna
ni'atu mwawasega
'itoolo limana,




nadigega lowa
'ieonemi.



Wamai be 'ina 'ebe'eno kakaena
wa'ita, be muliyega watauya manini
be 'ina tononoyao waeonadi
'aene Yesu mwawasega
ni'atu 'itoolo limana, be
'iabe 'inuganugana
Galili 'ena, ta 'omi
wamuliye be gote
'ena wa'ita.



Nate
namo."



'Enega iine nidi ma idi matauta ta wate
ma idi gwausowala 'ali' ali sipilisinena
ga sipili manini be 'aene Yesu 'ina
tononoyao 'ediya yage gete sida
simana. Ta Yesu 'edayo 'ilobedi
ga 'ilokagutokiyedi, ta simai
ga 'aena sigitoodi ta
sibwagobwago 'enaya.





Muliyega Yesu 'ina tononoyao site elebeni si'e'ai ga
Yesu matadiya 'iapwesa, ga 'i'enapa'alidi 'idi
debapa'ala manuna, 'igwae, "Gosegwao taudi 'igu
toololimana mulinaya si'itegu ga 'emiya sisimanaya, ta
mwa'adega ga nigeya waeemisedi?" 'Ida 'Inapwana
Yesu 'ina emataluwa 'ediya ni'atu 'ilosalonina ga
'itu'e galewaya, ga Yaubada 'atainaya 'imiyatowa.



Ta Yaubada sa'i tomota maibo'adi
bale'uya 'iobobomedi ga natuna
tebweuna 'itagwalena be 'enega
yaisigedi tauna 'ena siemisa,
geya'abo simwawamwawasa ta
esi yawasidi ataya
sida loba.



Loma 3:23

Manuna maibo'ada toto'umalida, ga tamiya 'edasola
Yaubada 'ina maedana 'enega.

Loma 6:23

Manuna to'umalina 'ana e'isa mwawasa, ta esi Yaubada
'ina oboboma 'ida 'Inapwana Yesu Keliso 'enega, nate
yawasida ataya.

Ibeliu 9:27

Tomota 'abo'ada 'ada loina 'imiyami 'aene ma'ebweuna
tamwamwawasa be muliyega bwa'omatana.



Ephesians 2:8,9

Ona'ai'aila, 'ina obobomega ni'atu 'i'etoseyemi, 'imi emisa manuna, ta nigeya taumi 'imi guinuwa 'ediyega, ta esi Yaubada 'ina oboboma 'enega.

Be gete nigeya sa'i 'ida paisewa 'enega 'etoseyana nina talobaloba, 'abona nai tanuwatu'e 'aene tauda tuga 'ida waiwaiyega.

Loma 10:9,10

be 'enega Yaubada 'ida 'etoseyeda 'abo 'awadega tatagwala, tagwae, "'Igu 'Inapwana tauna Yesu", be 'atedega taemisa 'aene Yaubada Yesu mwawasega 'igietoolo limena. Manuna 'atedega Yaubada taemisena ga 'enega 'igie'esaseda, 'enega taetosimana manuna, ga 'i'etoseyeda.



Yoni 3:16,17

Ta Yaubada sa'i tomota maibo'adi bale'uya 'iobobomedi
ga natuna tebweuna 'itagwalena be 'enega yaisigedi
tauna 'ena siemisa, geya'abo simwawamwawasa ta esi
yawasidi ataya sida loba.

Ta Yaubada Natuna bale'uya 'ietunenama, nigeya 'aene
tomiya bale'u 'ida bwa'omatadi, ta esi sabi 'etoseyedi.

1 Yoni 5:11-13

Ta 'ina simana nina 'aene Natunana 'enega yawasida
ataya 'i'ebwa'eda. 'Enega 'abo yaita Yaubada Natuna
'enaya 'imiyami, tai nina yawasina bobo'ana ni'atu
'ilobena, ta 'abo yaita nigeya Yaubada Natuna 'enaya,
tauna nigeya. 'Imi leta gete ni'atu ya'etoladinawa be
wamwalamwalatoni 'aene 'eguma Yaubada Natuna 'ana
esanega waemiemisa, yawasimi ataya waloba.



Madiu 26-28; Luke 22-24; Yoni 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Dobu Bible (dob) © 2013, Wycliffe Bible Translators,
Inc. All rights reserved.

<https://live.bible.is/bible/DOBWBT/MAT/1>

©2026 Bible for Children, Inc.

www.M1914.org

www.bibleforchildren.org

